


کربد لہائی اسلامیه می تحبیبی مسقطه مخصوص

سید محمد علی بن محمد بن محمد

نسخہ فوق العادہ سی



معارف نظارت جلیله سنک فی ۲۶ صفر سنه ۱۳۱۵ و فی ۱۵ تموز سنه ۱۳۱۳ تاریخ
و ۴۳ نومرو لی رخصتنامه سی حائزدر

استانبول

(محمود بك) مطبعه سی — باب عالی جوارنده ابوالعزیز جادو سنه نومرد ۷۲

۱۳۱۵

عبد عاجزده دکل چونکه قصور
طوتکنز سزده سمعیدی معذور



تذکره

قرداشم ساح بک افندی

نسخه فوق العاده ایچون بنده کزدن طلب بیوردیفکرز اثری
ایشته تقدیم ایدیورم . بو اثر ، مظفریات اخیره اوزرینه
نادره الزمان ، فیلسوف حقایقدان جمیل صدق زهاوی
افندی حضرتلرینک تنظیم و « الفتح الحمیدی » نامیله توسیم
ایدوب استانبول ، مصر مطبوعاتیه نشر ایتدکلری بر
قصیده غرائک ترجمه سیدر . بو قصیده نك بعض نقاط
مشکله سنی فاضل مشارالیه دن استعانه ایده رک ترجمه
ایتدمسده اصلیه ترجمه سی بیننده کی فرق لطافت ، سمایه
نسبت ثرا قیبلندندر . هر نه ایسه بونی ترجمه اوزنمکدن
ایکی مقصدم واردرکه برنجیسی عروق ملیتده جولان ایدن
خون حیثی غلبانه کتیرمش اولان بومظفریات جلیله مناسبتیه
ملت یکجهت اسلامیه نك چیقاردینی ترانه شکران و افتخاره
ترجمان اولمق ، ایکنجیسی ده زمانغزده سرآمدان ادبای
عربدن معدود بر ذانک سوق العکاظ بلاغته معلق ، قصائد
سبعه میاننده برنجیسی احرار ایتمش بولان بر اثرینی ترجمه
ایده رک عربلرک ترقیات حاضره فکریه و ادبیله لرینی
کوسترمکدن عبارتدر . باقی خلوص و حرمت افندم

فی ۱۶ تشرین ثانی سنه ۱۳۱۳

سجادی زاده

عصه

بو برفتح مبین غالبانه درکه قلوب اعدایه القای
هول ودهشت ایده رک « الحق یعلو ولا یعلی علیه »
قول حکیمانه سنی اثبات ایتمشدر . بز عثمانلیلر ،
ثمره مظفریات جهانپسنندانه من اولمق اوزره
تا روپود عن وافتخاردن منسوج برلباس فاخر
اکتسا ایده رک قامتای احتشام اولمق . حال
بوکه یونانلیلر عار وذلتنن بچلمش برلباس کیه رک
جالب نظر نفرین انام اولدیلر . غالبیت و مغلوبیت ،

بادی فخر و مسرت ایسه ده
باعث و موجب منت ایسه ده

نه دن آیا ایدیم بسط مقال
دیه چوق ایلدم اتعاب خیال

بولدم عرضه سزا بر مجت
هپ مناسب دیدیکم چیقدی عبث

جنگ مجشلی بولدی پایان
قلمدی تاب و مجال بونان

عسکرک بولدینی شان و شرفی
حالمک طویعیدی هر طرفی ؟

بخشه سرمایه اولورسه پولیتیق
هر طرفدن ایدیلور بیک قریتیق

ادبیاتده میدان پک طار
نظر دفته شایسته نه وار ؟

شعر بازیچه طفلان اولدی
[نیجه لر شمدی] سخندان اولدی

دیه رک حضرت سنبلزاده
بخشه کیرمش صدد شکواده

شمدی کورسه بیدی شوخالی صرحوم
نه قدر ایلر ایدی بسط شتوم

حاصلی شعره کیرشمک مشکل
چونکه ابجائی بتون لا طائل

ثروت ابجائی مناسب دوشمز
نظر دقتی جالب دوشمز

سائر اقسام فنون و عرفان
هرکسه ویرسه کرک ثقلت جان

وار روتنکنده شعاع حکمت
ایستراما دها پک چوق دقت

اصطلاحات اطبا حالا
قالدی مانند معما حالا

یالکنز عجزی عرض ایتدم بن
سبب عجزم ایسه پک روشن

عزت و ذلتدن

بچشمش ایکی

ردادرکه مرور

زمان ایله فرسوده

اشمز ، دأما

یگدلیکنی محافظه

ایدر . یونانیلیر

حریده عقلارینی

غیب ایده رک ضالانده

قالدیلمر . ضالانده

قالان کیمسه لرامانی

و آماندن البته

خائب و خاسر

اولورلر .

یونا نایلیر

بوندن مقدم کریده

دخول ایله غارات

واعتسافاته قویولمش

و طریق عدل و انصافدن کلیاً انحراف ایتیشلر ایدی .

بونلرک مظلوم و تعدیات و حشیانه لرله نه قدر معصوم

وبی کنه ذوات محترمه خوار و ذلیل اولدی ، نه

قدر دمء معصومین دو کولدی . جناب حقّه قسم

اولسون که جزیره مذکوره ده هر درلو ظلم

وردائی ارتکاب ایده رک اختیارلر حرمت ،

اطفال معصومه یه اصلاً مرحمت ایتدیلمر . حتی

نه برچو جقلی والدیه شفقت ، نه رباکر و حامل

قادینه رعایت ایتدیلمر . بز آنلری سالک اولدقلری

طریق ضالانندن بر سبیل رشد و سداده ارشاد

ایچون چالشندق . فقط ینه او طریق ناهموار

ضالانده ثبات و بزه ایقاع خیانت ایتک فکر

بوالهوسانه سیله قوم ییغینی کبی بر چوق عسکری



مستجابی زاده عصمت بک

تسلیم ایده رک

و آرقه لرندن دامن

کبر و غروری

سورویه رک فوج

فوج حدود بوینده

حرب ایچون

اجتماع ایدوب

عداوتلرینی اثبات

ایتدیلمر . ظنونک

بعضیسی ائمدن

عبارت اولدینی

حالده بونی اصلاً

درخاطر ایتیه رک

مصادمه اولیده

بزی مغلوب و پر

یشان ایتک ظننه

دوشمشلر ایدی .

بونلرک بو ظن

باطلنه اولادی اولمش اولان والدیه بیله قهقهه لرله

کولر . ارباب عقول و سیاست یونانیلری بو خفت

مذمومه دن منع ایتدیلمر سده افراط بغض

و عداوتلرندن طولایی واز کچمدیلر . نصیحت

ایتدیلمر ، لوم ایتدیلمر ، هیچ برینی دیگله مدیلر .

کندیلمرندن بشقه کیمسه یی بکنم دکاری جهتله

نه ایدیلمر نصایحی قبول ، نه کیمسه نک عقل

و فکرینی استیحتسان ایتدیلمر .

بونلر بو میدان مطیه ران جهالت اوله رق

چیقمشلر ایدی . مرکب جهله سوار اولان طائفه

فلاح بولورمی ؟ اوتنه دنبری بینمزده جریان ایدن

مناسبات حسنه دوستانه نک انقطاعنه سبیت ویرمه

ملریچون کندیلمرینه نصیحت ایتدک . اظهار کین

وعداوتده اصرار ایدرهك نصیحتیمزی قبول ایتدیلر .
بزمه طالب جنك وجدال اوله رق بغتة اوزریمزه
هجوم ایتدیلر . کندیلرینه بزمه بر آرمهلت ویرك
دیدیکمز زمان (اصلاً !) جوابیله مقابله ایتمشلر
ایدی .

آرتق نوبت کلام طوبه ، تفنكه کلکله مستعیناً
بعناية الله تعالى حرکات تدافعیه و تجماعیه قیام
و خداوند ظفر آفرینك بزمه تخصیص بیوردیغی
نصرت و غالبیتله بزمه قارشى استعمال ایتك ایستدکلی
سلاح خیانت و شقاوتی تا کوکسیرینه قدر طیبایه رق
احراز نیک نام ایتك .

عسکر اسلامیان ، لشکر یونانیانی ضرب تیغ
جلادته زار و زبون و فضای جنك وجدالی خون
اجساد ایله بر صحرای لاله کون حالنه کتیره رك
مهاجمات شدیدة حیدر پسندان ایله جمعیت متحشده
لرینی تفریق و پریشان و حصون متعدده یه استیلا ایله
نصب لوای غالبیت و شان ایتدیلر .

اردوی هایونی تشکیل ایدن افراد ، بر طاقم شبان
دلیر و جوانان غضنفر نظیر درکه میدان مبارزه ده
جیوش اعدا ایله بوغاز بوغازه کلکله مشتاقدرلر . بو
افراد بسالت نهاد ، صفوف دشمنه طوغرو کمال
شدته صولت و مهاجمه یه باشلادقلى زمان بر سیل
خروشانه بگزمه تیر و دشمنی تعقیبده بونلر بر آلاى
شیران زیاندرکه منفور طباع شجیعانه لری اولان
کلایی قووالیورلر ظن ایدرسك .

فضای حربدن سیاه صعود ایدن سیاه دومانلر
کشیف بر بلوط تشکیل ایدرك اولوطدن مهادیا بزم
طوپلرك کله لری یاغیوردی . هیچ مصائب واجل
یاغیران برابر سیاه دهشتناه ایله یاغموور یاغیران
بلوط بر اولورمی ؟ اومظلم ، اوکشیف سحابپاره
مدهش ایچنده سلطنت سنیه عثمانیه نك شان و ظفر

طوپلری کمال شدته گوردکجه بتون طاغلیری ،
وادیلری نالان ایدن دهشتلی بر رعد آواز سنك
فضای کائناتی املا ایتدیکی ایشیدیلیردی . او طوپلرك
ولوله دهشت انکیزی زمین اعداده متوالیاً عکس
انداز اولدکجه بو فرقه باغیه کمال خوف و خلع جانندن
عقللرینی ضایع ایتدیلر .

یونانیلری قهر و تدمیر ایدرك آنلرك حرب
ایچون یارادلمش آدملر اولمدیغی نظر عالمده اثبات
ایتك . حتی جناب حقك بزمه تخصیص بیوردیغی
بر توفیق عاجل ایله کلیاً دوچار هزیمت ایدرهك
مملکتلرینی فتح و تسخیر ایلدك .

وقتا که بوصورتله بلاد یونانیه دن بر قسم مهمفی
ضبط و اشغال ایتك . بو حرکات قهرمانانه مزله
تعین ایتدی که یقین و قتده مملکتلرینك هپسینی
فتح و تسخیر ایده جکز . بناء علیه (جانی حقنده
عفوایله معامله ایتك اولادر) استرحامیله طلب عفو
امانه شتابان اولدیلر . راكب اولدقلى مطیة کبر
وغرورك صرندن نزول و بدایت حربده کی حالك
ضدینه اوله رق خضوعه باشلادیلر .

وقتا که دول معظمه ترك مخصوصه ایله بومغلوبینه
مرحمت و مساعدده ایتمکله کمز ایچون توسط و التماس
ایتدیلر . یونانیلرك طلبیله بر متارکه عقد ایتك که بو
عقدده آنلر یدسقلی ایدیلر .

بومظفریت ، مقرون عز و مفخرت برانصر -
تدرکه اصلاً اونوتولیمه رق آیات شان و مفاخری
السنه ایامده دائماً تلاوت اولنور . بزم مجد و شرف
ملیمزی انکار ایدن شخصه بن دیرم که بزی سیف
رخشانه ، فتوه ، فضل و نجابته صور .

ای اسلاف کرامنك وارث حقیقی نجابت
و جلادتی اولان عثمانیلر ! سز بو صحنه مبارزه
حیاتده مرور لیسل و نهار و کرور ایام وادوار ایله

رہبر نورانی یہ مظهر قلمقلہ دہ اعزاز ایل مشدر .
انسان نور فیوض عقل ایلہ جمعیت بشریہ نک عمران
واقبالنی آرتیرمغہ ، وجودیلہ بر حیات نو ، بر رونق
دیگر ویردیکی کرۂ ارضی حاکمانہ بر اقتدار ایلہ
ادارہ ایتمک موفوق اولور . کون کچدکچہ آنی منفعت
نامیلہ بیٹک درلو شکلہ ، پک روح آشوب بر تحوالہ
اوغرادی ر !

حکمت خلقت ایلہ برابر آرایش پذیر ظهور
اولان سعی ایلہ نوع بشر پک چوق خوارق کشفیہ ،
پک بیوک آثار بدایع وجودہ کتیرمک کسب اقتدار
ایلہ یور . ثمرۂ سعیلہ بو محتخانہ عالمہ مسعودانہ ،
آزادہ سرانہ یاشامغہ ، فضیلت سعیه استناد ایتمک
صورتیلہ مذسوبی اولدینی جمعیت بشریہ بیوک
بر خدمت ابرازینہ ، اوسایہ دہ ای بر شان قزاقغہ ،
اونودلماز بر نشان براققہ اوزہ نیور .

تقسیم اعمال قاعدہ سی ہر کسی وظیفہ نامنہ
بر غیرتہ ، بر قیدہ ، فن نامنہ بر طریق تفیضہ
دوشوریور ! اوغیرت ، اوفیض ایلہ بتون نوع بشر
تأمین معیشتہ ، استکمال رفاه وسعادۃ چالیشیور .
اوقویور ، ذہنیلہ دوشونیور . ایلہ ایشلہ یور ،
بالکز اوقومق ، دوشونمکلہ اکتفا ایتمیور .
حکمت تجربیہ دہ آرایور ، اوقودیغنک ، دوشوندیکنک
بر محصولی ، بر محصول تفکری کورمک ، اجرا
ایتدیکی غیرتدن نافع بر ثمرہ الدہ ایتمک خواہش
کوستریور .

بیطراق فنی دہ (تقسیم اعمال) ک بر رکن .
اعظمیدر ! طبابت بشریہ ایلہ توأم اولان بومہم
فن ایلہ ملکمزدہ صنایع ، تجارت ، وسائط نقلیہ —
دہا قیصہ بر تعبیر ایلہ — ثروت عمومیه پذیرای
تعالی وترقی اولمقدہ در . بوفن ایلہ وجود حیوانانہ
استیلا ایدن بر چوق امراض و دواہینک چارہ

اصلا اونوتولماز ، ابدی بر نام جہانگیرانہ بر اقدیکز .
اللہ قسم ایدرم کہ روی زمیندہ سز اللہک
دینہ نصرت ایتدیگز . خلاق آسمان دہ سز امور
خیریہ یہ موفوق ایتدی .

خاقان مفتحم و سلطان معظم مزغازی (عبدالحمید)
خان ثانی افندمز حضرتلرینک حل معضلات
امور خصوصندہ کی مسلك جلیل سیاسیلری ،
طرق سائرہ دن افضل وعالیدر .

ای بزم خلیفہ فاروق عنوان وولی نعمت
بی امتنان جہان اولان شہریار معالی نشانمز ! فضائل
وکالات مجبولہ ہمایونیکزدنطولابی جناب پروردکار ،
ذات خلافتسمات جناب خسروانہ گزی ریوزندہ کندی
ذات الوہیتک ظلی اولق اوزرہ اختیار بیور مشدر .
دین مبین اسلامہ نصرت ایچون تیغ رخشان عزیمق
سل ایدہ رک آنککلہ آچلمسی مشکل اولان شیلری
آچدیگز و جہاد ایچون جیش عمر مریم تجہیزیلہ
لشکر اعدای دینی قہر و تدمیر ایتدیگز . بزبندگان
صداقتشان ملوکانہ گز ، لوای شریعت اسلامیہ بی
رفع واعلا ایتمش اولان بوفتح مبین مناسبتیلہ عقبہ
آسمان مرتبہ جناب ملوکانہ گزہ تبریکات عبودہ
یتندانہ مزی تقدیم ایدہ رک کسب فخر ایلرز .

جناب حق ، شرف جاودانی محمدی حرمتہ
ذات ملائکسمات ناجہ دارانہ گزی دائما منصہ ور
ومظفر ایتسون . او محمد نبی [صلم] حرمتہ کہ جناب
مستعان آنی مستغرق رحمت بی پایان ایتمشدر .

مقالہ مخصوصہ

بیطراق لنگ لزومی

جناب حق نوع بشری بر صنع اعجاز نمادہ خلق
بیورمغلہ برابر آنی عقل نامیلہ بر قوۂ کلیہ یہ ، بر